

## Edizione diplomatica

bernat del uentador

Aras co(n)seilhatz seinhor. uos caues saber esen. una domna det samor.  
cai amada loniamen. et ara sai p(er) uertat. quellautre amic priuat.  
et anc de nulh co(m)painhon. co(m)painha tan greu no(m) fon.

E sieu lam adesonor. esquerns er atota gen. etenran men li pluzor.  
p(er) cornut ep(er) sufren. es aissi pert samistat. ueus mo(n) dapnage do  
blat. cal quen fassa ocal que non. res no(n) men pot esser bon.

Epus ieu uei la follar. ben serai fols sieu nom pren. daquest dos mals  
lomilhor. cal ual mas mo(n) escien. auer en liei lamitat. quel tot per  
dre p(er) foldat. car anc anulh drut fellon. damor no(n) ui far son pron.

Silla uol autraimador. ma domnieu no(n) loi defen. elais men mais p(er) pa  
or. q(ue) p(er) autrenseinhamen. esi hom deu auer grat. de nulh seruizi  
forsat. ben dey auer guizardon. ieu car tan gra(n) tort perdon.

Li sieu bel hueilh traidor. q(ue) mes gardauon tan gen. si aissi gardon  
alhor. mot y fan gra(n) failhimen. mai daita(n)t man ben onrat. que  
ssero(n) mil aiostat. mai gardo(n) lai on ieu son. ca totz aicels deuiron.

Duna ren soy en error. et estauc en pe(n)samen. quieu doblarai mado  
lor. sieu aquest plag li co(n)sen. esim part de samistat. tenc mi pe(r) de  
zeretat. damor eia deus nom don. pueis faire uers ni canson.

De laiga q(ue) dels hueilhs plor. escriu salutz mai de cen. q(ue) tramet ala  
gensor. et ala plus auinen. mantas ues mes pueis menbrat. larmor  
que(m) fes al comiat. quiel ui cobrir sa faisson. ca(n)c no(m) poc dir oc ni  
non.

Domna aprezent amatz. lautre emi acelatz. si quieu naya tot lo  
pron. (et) el la bella razon.

- letto 217 volte